

# LETËRA E DYTË E APOSTULLIT PAUL MBË THESSALONIKANËT

## KAPTINA I.

<sup>1</sup> Pauli edhe Siluani edhe Timotheu mbë kishën' e Thessalonikanëve, mbë Perëndin' Atinë t'anë, edhe mbë Zotinë Iesu Krisht:

<sup>2</sup> hir *qoftë* mbë ju edhe paqtim prej Perëndisë Atit t'ynë, edhe prej Zotit Iesu Krisht.

<sup>3</sup> Kemi detyrë me iu falunë ndersë përherë Perëndisë për ju, o vëllazën, sikurse vëjen, sepse po shtohetë fort besa juei, edhe po shumohetë dashunia e kuit-do prej gjithë jush mbë njiani tietërinë.

<sup>4</sup> Kaqi sa na vetë mburremi për ju ndë kishat të Perëndisë, për duriminë tui edhe për besënë ndër gjithë të ndiekunat tuaja, e ndër shtrëngimet qi hiqni,

<sup>5</sup> *qi ajo ashtë* diftim i gjyqit dreitë të Perëndisë, për me u bamë ju të zotënit' e mbëretënisë Perëndisë, qi pësoni për ate.

<sup>6</sup> Sepse *ashtë*' e udhësë përpara Perëndisë me u dhanë shtrëngim atyneve qi u shtrëngojnë juve,

<sup>7</sup> por juve qi shtrëngohi të prajtnë bashkë me ju, kur të diftohetë Zoti Iesu prej qiellit bashkë me engjujt e fuqisë vet,

<sup>8</sup> me ziarrm flake, tue ua shpaguem atyneve qi s'ngjofinë Perëndi, edhe atyneve qi nuk' i ndëgjojnë ungjillit Zotit t'ynë Iesu Krishtit,

<sup>9</sup> të cillëtë kanë me u munduem me të vdierrë të pasosunë prej faqesë Zotit, edhe prej lafit fuqisë ati,

<sup>10</sup> kur të vijë të lavdohetë ndër shenjtënit e vet, edhe të mërekullohetë ndër gjith' ata qi besojnë (sepse ju i zutë besë deshmisë t'onë), nd'ate ditë.

<sup>11</sup> Përandai edhe na lutemi përherë për ju, qi t'u bajë Perëndia juei të zotënit' e së thërritëmesë vet, edhe të mbushi gjithë pëlqimin' e së mirësë, edhe punën' e besësë me fuqi,

<sup>12</sup> qi të lavdohet' emëni i Zotit t'ynë Iesu Krishtit ndër ju, edhe ju mb'atë, mbas hirit Perëndisë t'onë, edhe Zotit Iesu Krisht.

## KAPTINA II.

<sup>1</sup> Tashti u lutemi juve, o vëllazën, për t'ardhunit' e Zotit t'ynë Iesu Krishtit, edhe për të mbëledhunitë t'anë mb'atë,

<sup>2</sup> qi të mos tundi ju shpeit prej mendiesë *tuei*, as të mos trubullohi, as prej shpirtit, as prej fjalësë, as prej letërsë sikurse u *shkrue* prej nesh, se vallë u afrue dita e Krishtit.

<sup>3</sup> Le të mos u gënjejë kushi me ndonji farë mëndyrë, sepse *s'ka me ardhun' ajo ditë* pa mos ardhunë ma pari të ngritunitë krye, edhe të sbulohetë nieriu i fajit, i biri së vdierrësë,

<sup>4</sup> ai qi rri kundrë edhe ngrihetë përpjetë kundrë qish do *farë gjaje* qi thohetë Perëndi a lutëje, kaqi sa ai të rrijë ndë tempullë të Perëndisë si Perëndi, tue diftuem vetëvetëhenë se ashtë Perëndi.

<sup>5</sup> Nukë mbani mend, se kur ishiem por për-anë jush, u thoshim juve këto?

<sup>6</sup> Edhe tashti e dini ate qi e përmba, për me u sbëluem ai ndë kohë të vet.

<sup>7</sup> Sepse misteri i paudhënisë tashti vepërohetë, vetëmë deri sa të dali prej miedzit ai qi përmba tashti,

<sup>8</sup> edhe atëherë ka me u sbuluem i paudhi, të cillinë Perëndia ka me e vdierrë me frymën' e gojësë vet, edhe ka me e prishunë me të pamen' e t'ardhunit vet,

<sup>9</sup> i cilli ka me ardhunë mbas të vepëruemit Satanait me qish do fuqi e me shenje e me mërekulli rrene, edhe me qish do gënjim të shtrembëtë, ndërmiet atyneve qi vdirrenë,

<sup>10</sup> sepse nukë pritrnë dashunin' e së vërtetësë qi të shpëtohenë.

<sup>11</sup> Edhe përandai Perëndia ka me dërguem mb'ata të vepëruem gënjimi, për me i besuem rrenësë,

<sup>12</sup> qi të gjukohenë për të keq gjith' ata qi nuk' i besuenë të vërtetësë, por i pëlqyenë të shtrembëtësë.

<sup>13</sup> Por na kemi detyrë me iu falunë ndersë Perëndisë përherë për ju, o vëllazën të dashunë prei Zotit, se Perëndia u sgjodhi juve çë përpara herësë për shpëtim, me shenjtënimin' e Shpirtit, edhe me besën' e së vërtetësë,

<sup>14</sup> qi mb'ate u thirri juve me anë të ungjillit t'ynë, për fitimin' e laftit Zotit t'ynë Iesu Krishtit.

<sup>15</sup> Përandai pra, o vëllazën, qindroni, edhe mbani ato porositë qi u mësuatë, a prei fjalësë, a prei letërësë t'onë.

<sup>16</sup> Edhe Zoti ynë Iesu Krishti vetë, e Perëndia edhe Ati ynë, ai qi na deshi, e na dha ngushullim të pasosun' edhe shpëresë të mirë me anë të hirit,

<sup>17</sup> ngushulloftë zemëratë tueja, edhe u forcoftë juve me qish do fjalë e punë të mirë.

### KAPTINA III.

<sup>1</sup> Së mbrapëni, o vëllazën, fali për ne, qi të eci fjala e Zotit, edhe të lavdohetë, sikurse edhe te ju,

<sup>2</sup> edhe qi të shpëtoimë prei nierëzëvet kotë e të këqi, sepse nukë janë të gjithë besëtarë,

<sup>3</sup> por besëtar ashtë Zoti, qi ka me u forcuem juve, e ka me u rueitunë prei së keqit.

<sup>4</sup> Edhe kemi shpëresë mbë ju me anë të Zotit, se ato qi u porositëm juve, edhe i bani, edhe keni me i bamë.

<sup>5</sup> Edhe Zoti dreitoftë zemëratë tueja ndë dashuni, edhe ndë durim të Krishtit.

<sup>6</sup> Edhe u porosisimë juve, o vëllazën, mb'emënë të Zotit t'ynë Iesu Krishtit, të mërgohi prei qish do vëllai qi ecën pa udhë, edhe jo mbas asai porosisë qi muer prei nesh.

<sup>7</sup> Sepse ju e dini, se si duhetë me na marrë mbrapa, sepse nuk' u prum pa udhë ndër ju,

<sup>8</sup> as bukë nukë hangrëm dhunëti prei kuit, por me mundim e me fëdigë, tue punuem nat' e ditë, qi të mos i bahemi barrë ndonjianit prei jush.

<sup>9</sup> Jo se s'kemi pushtet, por qi t'apimë vetëhenë t'onë shëmbëllëtyrë për me na marrë mbrapa.

<sup>10</sup> Sepse edhe kur ishim te ju, këte u porositëm juve, se ndë mos dashtë kushi me punuem, as le të mos hajë.

<sup>11</sup> Sepse ndëgjoimë disa vetë ndër ju tue ecunë pa udhë, edhe nukë punojnë kreit, por sillenë rrotullë me vum' ore punë të kota.

<sup>12</sup> Edhe të tillëtë nierës i porosisim' e i mësoimë për Zotinë t'anë Iesu Krishtinë, të hanë bukën' e vet tue punuem me urti.

<sup>13</sup> Por ju, o vëllazën, mos lodhi tue bamë mirë.

<sup>14</sup> Edhe ndë mos i ndëgjoftë kushi fjalësë t'onë shkruem me anë të kësai letërësë, shënonia ate, edhe mos bashkoi me atë, qi t'i vijë turp,

<sup>15</sup> por mos e vini ore ate si anëmik, por mësonia si vëlla.

<sup>16</sup> Edhe vetë Zoti i paqimit u dhashtë juve paqtiminë kurdo me qish do mëndyrë. Zoti *qoftë* bashkë me ju të gjithë.

<sup>17</sup> Të falunitë me shëndet u shkruie me dorënë t'eme të Paulit, qi ashtë shenjë mbë qish do letërë, kështu shkruiej.

<sup>18</sup> - Hiri i Zotit t'ynë Iesu Krishtit *qoftë* bashkë me ju të gjithë. Amen.

*E dyta (letërë) mbë Thessalonianët u shkruie prej Athine.*